

**Kirsty Williams AC/AM**  
**Ysgrifennydd y Cabinet dros Addysg**  
**Cabinet Secretary for Education**



Eich cyf/Your ref  
Ein cyf/Our ref: MA-L/KW/0340/18

Llywodraeth Cymru  
Welsh Government

Lynne Neagle  
Cadeirydd  
Y Pwyllgor Plant, Pobl Ifanc ac Addysg  
Cynulliad Cenedlaethol Cymru  
Bae Caerdydd.  
CF99 1NA.

29 Mehefin 2018

Annwyl Lynne

Diolch am eich llythyr dyddiedig 6 Mehefin, ar ran y Pwyllgor Plant, Pobl Ifanc ac Addysg, yn mynegi pryder na fydd y Cod Trefniadaeth Ysgolion Drafft yn cael ei osod gerbron Cynulliad Cenedlaethol Cymru tan yr hydref, yn hytrach nag yn yr haf fel yr oeddwn yn disgwyl fyddai'n digwydd yn wreiddiol. Esboniais y rhesymau dros yr oedi wrth y Pwyllgor yn ei gyfarfod ar 28 Mehefin.

Mae'r Pwyllgor wedi gofyn am sicrwydd ynghylch y camau rwy'n eu cymryd i sicrhau bod awdurdodau lleol yn cadw at ysbryd fy mholisi o ran rhagdybiaeth na fydd ysgolion gwledig yn cael eu cau a hefyd ynghylch y trefniadau y byddaf yn eu rhoi ar waith i ddiogelu ysgolion rhag bod penderfyniadau hirdymor yn cael eu gwneud yn eu cylch cyn i'r Cod gael ei gwblhau.

Yn gyntaf, mae'n bwysig pwysleisio unwaith eto nad yw rhagdybiaeth na chaiff ysgolion gwledig eu cau yn golygu na fydd ysgolion gwledig byth yn cau – mae'n golygu yn hytrach bod yn rhaid i'r achos dros gau ysgol gwledig fod yn un cryf, ac na fydd yn cau hyd nes y bydd pob dewis ymarferol arall wedi'i ystyried yn drwyadl. Mae'n bwysig nodi hefyd mai i ysgolion a ddynodwyd fel rhai gwledig at y diben hwn yn y Cod diwygiedig y bydd rhagdybiaeth hon yn benodol berthnasol.

Rydw i wedi bod yn eglur iawn o ran trywydd y polisi hwn ac fy mod yn disgwyl i awdurdodau lleol weithredu mewn ffordd sy'n gyson ag ysbryd y newidiadau arfaethedig. Fodd bynnag, rydw i wedi dweud ar sawl achlysur nad yw'r Cod yn ôl-weithredol, ac na fydd unrhyw newidiadau i'r Cod presennol yn weithredol hyd nes bod ail fersiwn y Cod yn dod i rym. Gan gofio hynny, er fy mod wedi ei gwneud yn glir beth yw fy nisgwyliadau, nid oes

Bae Caerdydd • Cardiff Bay  
Caerdydd • Cardiff  
CF99 1NA

Canolfan Cyswllt Cyntaf / First Point of Contact Centre:  
0300 0604400

[Gohebiaeth.Kirsty.Williams@llyw.cymru](mailto:Gohebiaeth.Kirsty.Williams@llyw.cymru)  
[Correspondence.Kirsty.Williams@gov.wales](mailto:Correspondence.Kirsty.Williams@gov.wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

unrhyw ofyniad statudol ar awdurdodau lleol a chynigwyr eraill i gydymffurfio â darpariaethau sydd yn ail fersiwn y Cod hyd nes y daw hwnnw i rym.

Ni all Gweinidogion Cymru wneud sylw ynghylch unrhyw gynigion a fydd o bosibl yn cael eu cyfeirio atynt i'w penderfynu. Fodd bynnag, yn unol â'r Cod presennol, cyn cyhoeddi hysbysiad statudol am gynnig ynglŷn â threfniadaeth ysgolion, rhaid i'r cynigwyr ymgynghori am gyfnod o 42 dydd o leiaf, gydag 20 ohonynt yn ddyddiau ysgol. Mae'r Cod yn gosod safon uchel ar gyfer ymgynghori, gan sicrhau bod pawb sydd â diddordeb yn cael cyfle i rannu eu sylwadau, a bod y sylwadau hynny'n cael eu hystyried. Rydw i'n annog pawb sydd â diddordeb mewn cynnig i gau ysgol i leisio eu barn drwy'r broses ymgynghori statudol ac yn ystod y cyfnod gwrthwynebu a allai ddilyn yr ymgynghoriad.

Fy mlaenoriaeth nawr yw cyhoeddi crynodeb o'r ymatebion i'r ymgynghoriad cyn toriad yr haf a threfnu i'r Cod diwygiedig gael ei osod gerbron Cynulliad Cenedlaethol Cymru. Rydw i'n awyddus i sicrhau na fydd unrhyw oedi pellach a fydd yn atal y Cod rhag dod i rym cyn diwedd y flwyddyn.

Fel y cytunwyd, byddaf yn dangos y Cod i'r Pwyllgor cyn iddo gael ei osod gerbron y Cynulliad.

Yn gywir



**Kirsty Williams AC/AM**

Ysgrifennydd y Cabinet dros Addysg  
Cabinet Secretary for Education